



**Молитвословіе о возвращеніе къ Православію экуменистовъ  
чтимое въ недѣлю молитвъ о соединеніе «христіанъ»**

Молитвами святыхъ отецъ нашихъ, Господи, Иисусе Христе, Боже нашъ, помилуй насъ. **Аминь.**

**Слава Тебѣ, Божѣ нашъ, слава Тебѣ.**

**Царю Небесный, Утѣшителю, Душе истины, Иже вездѣ сый и вся исполняй. Сокровище благихъ и жизни Подателю, прииди и вселися въ ны, и очисти ны отъ всякія скверны, и спаси, Блаже, души наша.**

**Святый Боже, Святый Крѣпкій, Святый Безсмертный, помилуй насъ.**  
*(Читается трижды, съ крестнымъ знаменіемъ и пояснымъ поклономъ.)*

**Слава Отцу и Сыну и Святому Духу, и нынѣ и присно и во вѣки вѣковъ. Аминь.**

**Пресвятая Троице, помилуй насъ; Господи, очисти грѣхи наша; Владыко, прости беззаконія наша; Святый, посѣти и исцѣли немощи наша, имене Твоего ради.**

**Господи, помилуй. *(трижды)***

**Слава Отцу и Сыну и Святому Духу, и нынѣ и присно и во вѣки вѣковъ. Аминь.**

**Отче нашъ, Иже еси на небесѣхъ! Да святится имя Твое, да приидеть Царствіе Твое, да будетъ воля Твоя, яко на небеси и на земли. Хлѣбъ нашъ насущный даждь намъ днесь; и остави намъ долги наша, якоже и мы оставляемъ должникомъ нашимъ; и не введи насъ во искушеніе, но избави насъ отъ лукаваго.**

Господи, помилуй. *(12 разъ)*

Приидите, поклонимся Цареву нашему Богу. *(поклонъ)*

Приидите, поклонимся и припадемъ Христу, Цареву нашему Богу.  
*(поклонъ)*

Приидите, поклонимся и припадемъ Самому Христу, Цареву и Богу  
нашему. *(поклонъ)*

### *Псаломъ 36.*

Не ревнуй лукавнующымъ, ниже завиди творящимъ беззаконіе. Зане яко трава скоро изсхнутъ, яко зеліе злака скоро отпадутъ. Уповай на Господа и твори благостыню, и насели землю, и упасешися въ богатстве ея. Насладися Господеви, и дастъ ти прошенія сердца твоего. Открой ко Господу путь твой и уповай на Него, и Той сотворитъ: и изведетъ, яко свѣтъ, правду твою и судьбу твою, яко полудне. Повинися Господеви и умоли Его. Не ревнуй спѣющему въ пути своемъ, чловѣку, творящему законопреступленіе. Престани отъ гнѣва и остави ярость, не ревнуй еже лукавновати. Зане лукавнующии потребятся, терпящии же Господа, тѣи наслѣдятъ землю. И еще мало, и не будетъ грѣшника, и възыщени мѣсто его, и не обрящени. Кротцыи же наслѣдятъ землю и насладятся о множествѣ мира. Назираетъ грѣшный праведнаго и поскрежещетъ нань зубы своими. Господь же посмѣется ему, зане прозираетъ, яко придетъ день его. Мечъ извлекоша грѣшницы, напягоша лукъ свой, низложити убога и нища, заклати правыя сердцемъ. Мечъ ихъ да видетъ въ сердца ихъ, и луцы ихъ да сокрушатся. Лучше малое праведнику, паче богатства грѣшныхъ многа. Зане мышцы грѣшныхъ сокрушатся, утверждаетъ же праведныя Господь. Вѣсть Господь пути непорочныхъ, и достояніе ихъ въ вѣкъ будетъ. Не постыдятся во время лютое, и во днехъ гда насытятся, яко грѣшницы погибнутъ. Врази же Господни, купно прославятся имъ и вознесятся, исчезающе яко дымъ исчезоша. Заемлетъ грѣшный и не возвратитъ, праведный же щедритъ и даетъ. Яко благословящии Его наслѣдятъ землю, кленущии же Его потребятся. Отъ Господа стопы чловѣку исправляются, и пути его восхощетъ зѣло. Егда падетъ, не разбьется, яко Господь подкрѣпляетъ руку его. Юнѣйшій быхъ, ибо состарѣхся, и не видехъ праведника оставлена, ниже сѣмени его просяща хлѣбы. Весь день милуетъ и взаимъ даетъ праведный, и сѣмя его во

благословеніе будетъ. Уклонися отъ зла и сотвори благо, и вселися в вѣкъ вѣка. Яко Господь любитъ судъ и не оставитъ преподобныхъ Своихъ, во вѣкъ сохранятся. Беззаконницы же изженутся, и сѣмя нечестивыхъ потребится. Праведницы же наслѣдятъ землю и вселятся въ вѣкъ вѣка на ней. Уста праведнаго поучатся премудрости, и языкъ его возглаголетъ судъ. Законъ Бога его въ сердце его, и не запнутся стопы его. Сматрять грѣшный праведнаго и ищетъ еже умертвити его. Господь же не оставитъ его въ руку его, ниже осудитъ его, егда судитъ ему. Потерпи Господа и сохрани путь Его, и вознесетъ тя, еже наслѣдити землю, внегда потреблятися грѣшникомъ узриши. Видѣхъ нечестиваго превозносяща и высяща, яко кедры Ливанскія. И мимо идохъ, и се не бѣ, и взыскахъ его, и не обрѣтеса мѣсто его. Храни незлобше и виждь правоту, яко есть останокъ челоуѣку мирну. Беззаконницы же потребятся вкупѣ: останцы же нечестивыхъ потребятся. Спасеніе же праведныхъ отъ Господа, и Защититель ихъ есть во время скорби. И поможетъ имъ Господь, и избавитъ ихъ, и изметъ ихъ отъ грѣшникъ, и спасетъ ихъ, яко уповаша на Него.

### *Никео-Цареградскій Символъ вѣры*

**Вѣрую** во единого Бога Отца, Вседержителя, Творца небу и земли, видимымъ же всѣмъ и невидимымъ.

**И** во единого Господа Иисуса Христа, Сына Божія, Единородного, Иже отъ Отца рожденнаго прежде всѣхъ вѣкъ; Свѣта отъ Свѣта, Бога истинна отъ Бога истинна, рождена, несотворена, единосущна Отцу, Имже вся быша.

**Насъ** ради челоуѣкъ и нашего ради спасенія спшедшаго съ небес и воплотившагося отъ Духа Свята и Маріи Девы, и вчелоуѣчшася.

**Распятаго** же за ны при Понтийстемъ Пилатѣ, и страдавша и погребена.

**И** воскресшаго въ третій день по Писаніемъ.

**И** возшедшаго на небеса, и сѣдяща одесную Отца.

**И** паки грядущаго со славою судити живым и мертвым, Егоже Царствію не будетъ конца.

**И** въ Духа Святаго, Господа животворящаго, Иже отъ Отца исходящаго, Иже со Отцемъ и Сыномъ спокланяема и славима, глаголавшаго пророки. **Во едину** Святую, Соборную и Апостольскую Церковь.

**Исповѣдую** едино крещеніе во оставленіе грѣховъ.

**Чаю** воскресенія мертвыхъ.

**И** жизни будущаго вѣка. **Аминь.**

Слава Отцу и Сыну и Святому Духу, и нынѣ и присно и во вѣки вѣковъ.  
Аминь.

*Аллилуія (трижды).*

*Таже глаголи тропарь сей:*

Великіи Архіереи святителей и апостоловъ въ защиту вѣры Православной вразумивый и утвердивый соборовъ Вселенскихъ Предстателю мучениковъ и исповѣдниковъ Сладосте; съ предстоящими Небесными Диками взывающыя обрати отпадшыя просвѣти Тя не вѣдущыя помилуй Тя взыскующихъ.

*По семь чти молитвы сія:*

Господи! Просвѣти заблудшихъ (*имена архіереевъ, пастырей и церковныхъ дѣлателей*), обрати ихъ въ святую Церковь Твою и спаси ихъ всеильною Твоею благодатию! Насъ же въ Православіи и истенней вѣре соблюди яко благословенъ еси во вѣки вѣковъ.

*Объ обращеніи заблудшего. Молитва къ Божіей Матери  
(Святителя Гавріила Новгородскаго)*

О, Всемилостивая Госпоже, Дево, Владычице Богородице, Царица Небесная! Ты рождествомъ Своимъ спасла родъ человѣческий отъ вѣчнаго мучительства діавола: ибо отъ Тебя родился Христосъ, Спаситель нашъ. Призри Своимъ милосердіемъ и на сего (имя), лишенаго милости Божіей и благодати, исходатайствуй Матернимъ Своимъ дерзновеніемъ и Твоими молитвами у Сына Твоего, Христа Бога нашего, дабы ниспослалъ благодать Свою свыше на сего погибающаго. О, Преблагословенная! Ты надѣжда ненадежныхъ, Ты отчаянныхъ спасеніе, да не порадуется врагъ о душѣ его!

*Молитва инная:*

Спаси Господи и помилуй ослабленое и небдитѣльное русское православное духовенство, стыдящееся исповѣдывать православную вѣру, съ молчаливымъ согласіемъ участвующее въ еретическихъ собраніяхъ, и симъ соблазномъ позволяющее врагамъ расхищать Твае стадо. Милосердный Господи обрати на путь истинны священнослужитѣлей и

церковнослужителей отшедших от чистоты святого Православия и непокорившихся святоотеческому учению и правиламъ. Свѣтомъ Твоея любви исправи и искорени въ нихъ явившееся теплохладное и нерадивое служение, искаженіе и сокращеніе церковныхъ службъ и Таинствъ, отказы по ложному стыду отъ повседнежнаго ношенія священной одежды, бритые и искаженіе пастырскаго образа, увлеченіе прибыткомъ и привязанность къ земнымъ благамъ на соблазнъ своей паствѣ, участіе въ обновленчествѣ и экуменической ереси. Не даждь имъ Господи погибнути до конца, но помилуй ихъ ради Твоего великаго милосердія и прощенія. Всесвятый Владыко, просвѣти разумъ архіереевъ-экуменистовъ свѣтомъ ученія евангельскаго, възгрѣй окаменевшыя сердца ихъ теплотою благодати Твоея и направи я къ дѣланію заповѣдей Твоихъ, да прославится въ нихъ всесвятое и преславное имя Твое, Отца и Сына и Святаго Духа, нынѣ и во вѣки вѣковъ. **Аминь.**

**Спаси** Господи и помилуй отсупившыя отъ православныя вѣры и погибельными ересьми ослѣпленныя свѣтомъ твоего познанія просвѣти и Святѣй Твоей Апостольствѣй Соборнѣй Церкви причти. *(поклонъ)*

**Господи, помилуй.** *(12 разъ)*

**Достойно** есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнѣйшую Херувим и славнѣйшую безъ сравненія Серафимъ, безъ истлѣнія Бога Слова рождшую, сушую Богородицу Тя величаемъ.

**Слава** Отцу и Сыну и Святому Духу. И нынѣ и присно и во вѣки вѣковъ.

**Господи помилуй** *(3 раза)*

**Господи благослови.**

**Господи** Иисусе Христе Сыне Божій, молитвъ ради пречистыя твоея матере, преподобныхъ и богоносныхъ отецъ нашихъ, и всѣхъ святыхъ, спаси мя грѣшнаго.

+ + +

Издательство общины священноисповѣдника Серафима Загоровскаго

Святая Западная Бѣлая Русь. Приложение къ «Западнорусскому Вѣстнику»